

Årsmelding 2023 Hjelmeland Frivilligsentral



Frivilligsentralen vert drive av Hjelmeland kommune og er organisert under kulturseksjonen med lokale i Vågahuset og har dagleg leiar i 100% stilling. [Sentralen blir drive i tråd med forskrift om tilskot til frivilligsentralar](#). Frivilligsentralen har profil på facebook, instagram, frivillig.no og eiga [nettside](#). Bestilling av friluftsutstyr skjer gjennom <https://frilager.no/> Bestilling av møtelokaler og ymse utstyr (Pop up telt, Bord, stolar, takke, barnesete, kantklyppar, plenklyppar) skjer gjennom <https://www.bookup.no/> Hjelmeland er medlem i [Frivillig Rogaland](#) og [Norges Frivilligsentraler](#).

Kommunestyre som årsmøte for sentralen vart halde 15. juni. Hjelmeland fekk i 2023 kr 471.198 i øyremerka midlar fordi kommunen har ein frivilligsentral. I 2023 bidrog Hjelmeland kommune med kr 509.000 til drift av frivilligsentralen. I tillegg brukte sentralen kr 204.000 i eksterne midlar.

Desse sit i styret for Hjelmeland frivilligsentral:

Dagfinn Svadberg Hatløy (formannskapet, vara Solveig Romsø Øye, 2023-2027), Enno ikkje valgt (rep. Seniorråd 2023-2027, vara frå Råd for menneske med funksjonshindring), Grethe Gauthun Olsen og Svanhild Hjorteland Gbada (representant frå frivillige 2023-2025), Camilla Haug Flem (repr. administrasjonen, vara Martha Ommundsen, 2023-2027), Gryta Krasikoviene (vararepresentant for frivillige 2023-2025) (møter fast). Kulturleiar (observatør med møte og talerett).

Styret har hatt 3 styremøter: 1.2, 4.5, 18.12 og handsama 18 saker.

Utførte delmål frå handlingsplanen; mange frivillige har fått bidratt med det dei kan!

1. Leggjje til rette for å styrkje og fremme frivillige lag og organisasjonar.

Følgd opp kommunen sin [frivilligstrategi](#). Dagleg leiar er sekretær for kommunen sine to kontaktmøter ovafor bygdaråda. Arrangert årleg kontaktforum for alle frivillige lag 11.1. Motivert frivillige lag til å bruke [foreningsportal](#). Gitt råd til frivillige lag som vil søkje om eksterne tilskot. Søknadskveld for frivillige lag den 14.9.

2. Stimulere til auka deltaking for å motverke utanforskap.

Frivilligsentralen har lokal knutepunktfunksjon for [nasjonal tilskotsordning for inkludering av barn og unge](#) i samarbeid med NAV, SLT-folkehelsekoordinator, barnevern, helsestasjon. Dette inneber blant anna at frivilligsentralen er med og planlegger og gjennomfører aktivitetar for barn og ungdom i skuleferiane.

Vore samarbeidspartnar i høve til inkluderingsarbeid for flyktningar. Tilrettelegging og informasjonsarbeid slik at fleire har kunne delta i fritidsaktivitetar. Frivilligsentralen har 3 flyktningar i språkpraksis.

Delteke i ressursgruppe for folkehelse og arbeidsgruppe for eit aldersvenleg samfunn.

Båttur til Røvær i samarbeid med Bygdekvinnelaget 24. juni, 96 deltakarar.



Tilrettelagt for auka bruk av frilager.no som har gjort at innbyggjarane i Hjelmeland har eit tilbod om sports- og friluftsutstyr. Utlån er gratis til barn med fritidskort, frivillige organisasjonar og kommunale avdelingar. Sykkelverkstaden har hatt liten aktivitet. Frivillige har gitt ein del brukte sykklar som er sett i stand til utlån og sal. Godt besøkt «Pop up sykkelverkstad», i Hjelmeland og Årdal 12. april. Kr 24.000 i støtte frå Frivillig Rogaland.

Frivilligsentralen laga ei brosjyre med oversikt over ulike aktivitetar som vart sendt ut i januar og september til alle husstandar i Hjelmeland.

Det vart halde to møter med unge vaksne i alderen 18-30 år med tema fritid i Hjelmeland og kva dei kan bidra med i fritidsaktivitetar.

3. Koordinering og vidareutvikling av frivillig arbeid.

Sosiale møteplassar; rekruttert og koordinert frivillige til:

- Språkkafé, 31 fredagar, 5.000 i støtte frå Norges frivilligsentraler til vidareutvikling av språkkafe
- Kafé med program på Årdal omsorgssenter, 20 onsdagar
- Open møteplass for eldre på Hj.land omsorgssenter, 31 fredagar
- Kafe på Grøna rommet i Hjelmelandsvågen, 34 onsdagar.

Desse møteplassane har 37 frivillige i turnus og rundt 60 deltakarar.

- Arrangert årssamling på Spinneriet 15.2.
- Samarbeid med Trygg Trafikk om informasjon og forebyggjing. Markert refleksdagen, 20000 i støtte frå Trygg Trafikk.
- Inspirasjonssamling for frivillige i desember med lunsj på Smaken av Ryfylke.
- Koordinert «Den kulturelle spaserstokken» 10 konsertar på omsorgssentra med 15.900 i støtte frå Fylkeskommunen.
- Koordinert NRK TV aksjonen i oktober.

Tilretteleggjing for auka fysisk aktivitet; ganglemmer er montert ute i turstiar med våte område i samarbeid med frivillige lag med kr 110.000 i støtte frå Sparebankstiftelsen SR bank.

Møter, konferansar og eksternt samarbeid

- For alle konferansen, Sparebankstiftelsen SR bank, Stvg. 2.2
- Teamsmøte med Trygg Trafikk 7.2
- Årsmøte/ fagseminar Frivillig Rogaland, Stavanger 9.2
- Aldersvenleg samfunn, konferanse på Randaberg 16.2
- Møte med Frilager, Klepp 23.2
- Webinar med Gjensidigestiftelsen 3.5
- Regionmøte for TV aksjonen, Bryne 30.8
- Nettverkssamling Norges frivilligsentraler, Oslo 13.-15.11
- Delteke i nasjonalt erfaringsnettverk «Mobilisering mot ensomhet», kr 22.500 støtte frå Norges frivilligsentraler, fleire møter gjennom året.
- Sekretær for Frivillig Rogaland, styremøter på Teams 31.8, 12.9, 31.10, 12.12

